



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**De Ervditione Religiosorvm**

**Humbertus <de Romanis>**

**Ingolstadii, 1591**

**VD16 H 5888**

16. Commendatio mutui amoris.

[urn:nbn:de:hbz:466:1-50980](#)

incidentem sequitur, vel coram eo genua flectit. Ad exhibendum hunc honorem monemur.  
 Cui honorem, honorem. Et: Regem honoris Rom. 13.  
 ficate. Aliquando exhibetur honor alicui propter 1. Pet. 2.  
 prioritatem temporis, ut senibus, secundum illud: Coram cano capite consurge & honora personam senis. Aliquando vero aliquis honorem exhibit alicui, quia ab eo sumpfit originem, secundum illud: Honora patrem tuum Exod. 20.  
 & matrem tuam. Aliquando vero propter excellentiam in aliqua gratia: & sic exhibendus est omnibus. Debemus enim credere, quod omnes nos excedunt in aliqua gratia. Omnes honore 1. Pet. 2.  
 te. Et super illud ad Phil. 2. In humilitate superiores inuicem sibi arbitrantes, dicit glossa. Augustinus. Non hoc ita debemus arbitrari ut nos existimare fingamus: sed vere existimemus posse esse aliquid occultum in alio; quo nobis superior sit: etiam si bonum nostrum quo illo videntur superiores esse, non sit occultum.

### Commendatio mutui honoris.

#### CAPVT XVI.

**E**xhibitionem honoris mutui inter fratres commendabilem reddit, Primò Scriptura sacra, quæ multum ad hoc hortatur. Honore inuicem præuenientes. Glos. Aliter non est frater, nisi mutuis se præueniat honoribus & obsequiis. Subiecti inuicem in timore Christi. Reddunt etiam commendabilem exempla inter quæ præcipuum est exemplum Dñi: qui hominem voluit honorare. Honorauit eum creando, quia ad imaginem & similitudinem suam eum fecit.

Hono-

Honorauit eum ei prouidendo : quia visibilia mundi propter eum fecit. In Psal. Gloria & honore coronasti eum , & constituisti eum super opera manuum tuarum. Omnia subieciisti sub pedibus eius. Item honorauit eum in conseruatione , angelorum custodiam ei deputando : secundum illud Psal. Angelis suis mandauit de te , ut custodiant te in omnibus viis tuis. Honorauit etiam eum in incarnatione , naturam humana cum diuina in persona vna sociando. Honorauit etiam eum in passione , hominis gloriam crucis ignominia acquirendo. Vnde dicit Augustinus de Christo , quod redemit venditus , viuificauit occisus , honorauit iniuriatus. Honoraturus est etiam eum in retributione , quando regnum cœlorum est ei daturus , secundum illud: Venite benedicti patris mei , possidete paratum vobis regnum , &c. Non est despiciendus ab homine , qui tantum honoratur à creatore.

*Quod in exhibitione honoris discretio sit habenda.*

### CAPVT XVII.

**H**abenda est autem discretio in honoris exhibitione , vt non habeatur respectus ad bona contemptibilia , scilicet bona fortunæ : sed ad bona nobiliora , scilicet naturæ vel gratia. Honorare aliquem propter bona fortunæ ; & bona honorabiliora , scilicet bona naturæ & gratiæ despicer , magnè stultitiæ est . Seneca. Quem admodum stultus est , qui equum empturus non equum , sed stratum & frena conspicit : sic stutissimus est , qui ex veste aut ex conditione , quæ modo vestis nobis circūdata est , hominem existimat.

*Epist. 47.  
declinando  
ad finem.  
41.*